



UNIVERSITÄTS-  
BIBLIOTHEK  
PADERBORN

**Claudii Fleurii Abbatis Historia Ecclesiastica**

Ab anno Christi 1525. usque ad annum 1529

**Fleury, Claude**

**August. Vind. [u.a.], 1769**

**VD18 90118480**

§. 53. Clementis Papæ propensio in Calorum Cæsarem.

---

[urn:nbn:de:hbz:466:1-66472](https://nbn-resolving.de/urn:nbn:de:hbz:466:1-66472)

**Sæcul. XVI.**,,, cio Legatorum, quibus hoc negotium  
A.C. 1528. „ est demandatum, illud vero si hucus-  
 „ que tardius processit, non mihi vitio  
 „ vertendum, si autem Campegius ne-  
 „ gligentiae accusandus venit, in hoc  
 „ mandatum meum transgressus est..”

Hoc responso Pontifex haud obscure ea, quæ animo volvebat, Legatis si-  
 gnificavit, quapropter illi Regi suo pa-  
 lam fecerunt, nullam ipsi spem in Cle-  
 mentis favore repositam esse, idque u-  
 nicum restare remedium, ut caussam a  
 Legatis definiri quantocius juberet.

### §. LIII.

#### *Clementis Papæ propensio in Carolum Cæsarem.*

**E**nimvero summus Pontifex, cum Gal-  
 lorum res in Italia penitus desperdi-  
 tas cerneret, magis quam unquam Cæ-  
 saris indignationem incurrere vereba-  
 tur, atque ultra suum erga eum studium  
 occultare adeo sollicitus non erat, quin  
 Campegius in Anglia publice profitere-  
 tur, nullum a sua Sanctitate favorem  
 esse expectandum, quamdiu Cæsarei in  
 Italia ceteris potentia prævalerent, &  
 Veneti Ravennatem & Cerviam urbes  
 summo Pontifici restituere cunctaren-  
 tur. Id quoque a nemine amplius in  
 dubium vocabatur, postquam Londinum  
 vene-

venerat Vincentius Casalius, qui proli- Sæcul. XVI.  
A.C. 1528.  
xam Equitis ac Protonotarii Casalii,  
cujus Nepos erat, epistolam attulit, in  
qua penitus cuncta describit, quæ inter  
ipsum & Clementem Papam gesta  
fuere circa secretam illam Bullam, quæ  
tum adeo celebrabatur, atque a Cam-  
pegio ex mandato, quod sub idem tem-  
pus Protonotarius Gambara attulerat,  
combusta dicebatur, cum tamen omnes  
hæ literæ, quæ hanc in rem circumfer-  
rentur, nullam omnino mentionem fa-  
ciant de conficto hoc diplomate, quam-  
vis ceteroquin Casalium & Gambarum  
adventasse referant.

## §. LIV.

*Abolitio plurium Monasteriorum a  
Volsæo Cardinale pro suo Col-  
legio impetrata.*

Cum interea Angliæ Rex matrimo-  
nium suum dissolvi sedulo curaret,  
Volsæus Cardinalis totus in eo erat, ut  
Oxoniente & Gippevicense Collegium  
annuis redditibus augeret; cum vero ejus-  
modi liberalitatem tam Regi quam Cle-  
ro pergratam cerneret, ad ampliora ne-  
gotia suam sollicitudinem extendit, at-  
que alia Monasteria supprimere, novos  
Episcopatus erigere, necnon Abbatias  
in Cathedrales Ecclesias convertere  
statuit.